

KERATAN AKHBAR

JUDUL : Utusan Malaysia

TARIKH : Khamis, 11 September 2014

M/S : 26

Pameran manuskrip dilanjut hingga 31 Disember

KUALA LUMPUR 10 Sept. - Pameran Antarabangsa Manuskrip Melayu (PAMM) 2014 yang telah berlangsung selama 4 bulan mulai 26 Mei hingga 26 Ogos lalu dilanjutkan hingga 31 Disember tahun ini dengan sasaran kehadiran 100 ribu orang pengunjung.

Timbalan Ketua Pengarah Perpustakaan Negara Malaysia (PNM), Nafisah Ahmad berkata, pelanjutan tempoh pameran ini adalah bagi memberi peluang kepada masyarakat Malaysia untuk terus menyaksikan kehebatan naskah-naskah ilmuwan Melayu silam ini yang julung-julung kali dipamerkan untuk tatapan umum.

Pameran ini juga turut menyasarkan kehadiran pelancong yang melawat negara ini sempena Tahun Melawat Malaysia 2014.

“Saya yakin sasaran ini akan tercapai dengan adanya usaha-usaha promosi berterusan yang dijalankan oleh PNM dengan kerjasama pihak-pihak yang berkaitan termasuk media massa”, katanya.

Sehingga kini, pameran ini telah mencatatkan kehadiran 50 ribu orang pelawat termasuk pelawat maya.

PAMM 2014 boleh dikunjungi secara maya menerusi portal, www.pnm.gov.my/pamm/